

北洋官報

目錄

宮門抄
 上諭
 奏請○再續考察憲政大臣李奏考察立憲官制續編成
 書敬陳管見摺△東督錫奏請獎發務出力人員摺△
 鄂督陳奏臚舉已革參議政績摺
 公積○學司札二件△董事會稟一件
 文告四則△電報四則△新聞十一則
 量編○直隸財政局編造月報例言
 圖書○湖北宜昌第六圖

本報今日加印
 本局第一百三期
 法政學報
 已出
 頁

宮門抄

五月十八日京電本日
 召見軍機

上諭

五月十八日京電本日閣抄奉

上諭前因京師雨澤稀少迭經派恭親王溥偉等虔詣

大高殿恭代拈香並派貝勒載洵等分詣 時應宮

等處拈香虔誠祈禱仰荷

吳蒼默佑疊沛甘霖郊原露足朕心實深寅感允宜敬謹報謝用答 天

庥本月二十日仍派貝勒載洵敬謹前往

大高殿恭代拈香 時應宮仍派貝勒載濤 昭顯廟仍派貝

子溥倫 宣仁廟仍派鎮國公載澤

凝和廟仍派鎮國將軍載濬同於是日分詣拈香行禮報謝仍冀頻邀鴻

賜甘澤應時以慰農望欽此

上諭此次續經報到保薦人才經派那桐等查驗詢問茲已一律召見引見完竣所有單開之特用員外郎陶葆廉

著以郎中分部補用試用道署貴州勸業道都勻府知府王玉麟著俟補道員後以應升之缺升用分省補用道鍾文耀著仍以道員交軍機處存記發往雲南差遣山東補用知府前東昌府知府魏家驊著以道員仍發雲南儘先補用湖北舉人丁保樹著以知縣分省補用欽此

奏議錄要

考察憲政大臣李家駒奏考察立憲官制錄繕成書敬陳管見摺(再續)

其中尚有要義一端則督撫之責任應如何分別規定是也直省行政事務之中直接官治事務一種純由中央政府主持即由國務大臣負其責任其間接官治事務雖未特設官吏然既由中央政府制定法令委任直省官吏執行則其責任仍應以國務大臣負之殆無疑義惟地方官治事務督撫有直接處理與監督之權者即屬督撫之責任而國務大臣不與焉如督撫對於本省立法機關則有監督諮議局之權有召集停會解散之權有提出議案及裁奪施行之權對於地方行政機關及所屬官則有指揮監督訓令懲戒之權凡在責任範圍以內之事務即可自爲行政之計畫並有上奏之權殆與各部大臣無異惟直接官治事務必由中央政府上奏間接官治事務由督撫咨報各部應否具奏則由各部酌定耳總之權限以責任爲衡而責任又以分配之事務爲準此則同條而共貫者也或謂直省行政在在與中央行政相關似應令督撫與於國務大臣之列然而中央與地方事務既已畫分而內閣之大政方向與各部之行政計畫又屬中央政府之職任權限本不涉於督撫且閣議隨時舉行督撫遠駐各省無從預議縱列閣員亦屬有名無實惟是直省與中央此省與彼省互相關繫之事甚多誠不可無聯合之機關以謀統一擬仿日本地方長官會議之意每年定期督撫咸集京師會同國務大臣集議一次其交通不便省分與臨時有重要事務不能與會者得遣次官代行此則於實事深有裨益者也以上內外官制脩舉大綱至於細目未遑縷述惟是變革伊始事出非常羣情顧慮不無疑難或謂我朝列聖相承庶政悉仰宸裁百工各安職守即辦理軍機處亦但掌書論旨職在承宣今若行責任內閣之制則大政施行出自閣臣朝命必待副署而行草奏悉經內閣而進保無大權旁落之患致啓竊弄威福之漸乎不知君主立憲之國國務大臣上對君主負其責下對議會當其衝黜陟進退權在朝廷議會彈劾恆隨其後且大臣奏事則君主自由准駁之大臣失政則

君主自由罷免之國有大事仍歸乾斷軍謀兵柄悉屬統帥大權更非閣臣所能妄干至於敕尾署銜閣台所職封駁詔書掌於門下斯又輔弼之古誼抑亦憲政之精神矣或又謂建武罷丞相於前事歸台閣洪武廢丞相於後權分六部一王之制固有然矣周以冢宰統六官武以少宰漢置左右丞相更建三公唐宋相職分寄三省平章政其人非一自來當國重任無取乎專漢臣何武有言古者民謹事約輔佐賢聖猶備三公今政事煩多才不及古而丞相獨兼其事所以大化未洽也方今國事煩難百倍漢時而內閣總理只設一人縱無專擅之嫌獨無竭蹶之患乎不知內閣以各部大臣組織同心輔政體敵位均總理大臣第爲領袖我國設部逾十以上閣員之數不嫌其少若夫內閣職權不過合中書出令門下審駁尙書受成統而一之已耳宋臣司馬光詳論三省分隔之弊力主通同職業歸一政事允推卓識今之責任閣制正與符合而況上有 宸謨之秉承下有諸司之佐理治法修明治人具備舉而措之裕如耳抑奴才更有請者立憲國家雖以三權分立爲體實則司法機關子然獨立無關運用獨政府與議會兩相對待恆爲國家進行主動之樞機其關繫至深其衝突亦最激故操國柄者必調劑維持於其間而爲正本清源之計則訓練人才不令偏重其尤要矣假使人才集於政府而議會人才不足以副之將有以行政權干涉立法權之弊假使人才萃於議會而政府人才不足以副之將有以立法權干涉行政權之弊則夫豫備立憲之國造端之始尤以訓練人才同時並進爲要義斷可知矣伏讀上年六月二十四日 諭旨先於各省設諮議局以資歷練等因欽此洵不刊之

聖訓爲薄海所同欽逐年籌辦事宜清單各省諮議局定於第二年一律開辦現在各省選舉業已陸續舉行而資政院召集亦復近在明年是立法基礎有開必先人才輩出指顧可待惟釐定官制尙復需時至第五年而頒布第七年而試辦第九年而後實行從政之才無所歷練偏重之弊竊恐成議院政治之局此則區區之愚不無過慮者一也諮議局章程職任權限章凡十二款第一款議決本省應興應革之事第二款至第五款爲監察財政之事六七兩款爲參與立法之事資政院此項章程尙未奏定然事關全國則議員權限範圍當比較廣可揣而知第就諮議局職權各款言之官制不先定則責任政府無由成立於應興應革之事既無實行之機關而各省事件紛紛議決何以處之且官制不定內外行政權尙未分明即督撫且不知某種事務究當誰屬而况諮議員將以何者爲標準從而議之此不能無慮者二也官制不定則內外行政事項無

從分配國家財政與地方財政即無從清釐以我國財政向無中央與地方之分類今欲就現在歲出入之款項名目區以別之試問歲入項下何者當爲國稅何者當爲地方稅歲出項下何者屬於中央行政費何者屬於地方行政費既無官制以爲標準又不能憑臆爲斷則所謂本省豫算決算者將何從而議決之此不能無慮者三也諮議局爲各省立法機關顧立法機關之權限恆與行政機關之權限相緣官制者所以立行政組織之規模即爲法令施行之關鍵官制不定則一切法令亦不能定在督撫且無所據以提出議案而況諮議員更將何據以議決本省之單行章程規則乎此不能無慮者四也由是言之釐定官制本當在諮議局開辦之前然後行政事務倚之爲範圍立法機關據之爲標準否則議案先成官制後出無論各省議決在先之件苟有與官制抵牾者必將一律廢棄即一切法制先官制而發布者苟有違異亦必大費修改殊非計之得也爲今之計惟有將內外官制速行釐定提前試辦以爲目前之準繩即以杜日後之流弊查日本頒布憲法在明治二十二年而官制則自維新以來迭經改正至明治十八年責任內閣之制即已實行蓋自廢藩置縣中央集權之局已成其所謀畫不出中央行政機關之外端緒初不甚繁制度乃歸簡易然編制則肇自十數年前實行之期亦距立憲六年以上遂能使大小臣工同心協力豫備之事著著進行大權操縱綽有餘裕此又近事可師者也惟是官制既經頒行官方亦必整飭日本當行新官制之初即發布整飭綱領五條於是各部省據以裁汰冗員併省局署一時官吏失職者過半我國將來頒行新制似此情形亦必不免應請一併將弼德院提前辦理以之位置勳舊重臣上備 朝廷顧問略如日本樞密院之例至 國朝沿前明舊制設內閣大學士例兼殿閣崇銜將來釐定新制大學士雖不爲閣員似可仍留此官仿有宋朝殿學士故事無吏守無典掌以籠輔臣之去位者或現任國務大臣亦酌予兼銜以示優異此則因官制連類而及者也奴才職在考察苟有所知不敢不言用是披瀝上陳伏冀 聖明垂察無任屏營之至再奴才現在東京將司法財政兩類接續考察豫計本年秋間可以一律竣事合併陳明伏乞 皇上聖鑒訓示謹 奏宣統元年五月初七日奉 硃批憲政編查館知道欽此

東三省總督錫良署奉天巡撫程德全奏鹽務出力人員開單請獎摺

奏爲奉省經征鹽務出力人員懇 恩仍予擇尤獎叙以昭激勸繕具清單恭摺仰祈 聖鑒事竊准吏部咨

會議前督臣徐世昌奏獎奉省經征鹽務出力各員駁一摺於宣統元年四月十四日會奏奉 旨依議欽此

欽遵咨行到奉查原奏內開奉天經征鹽釐等項光緒三十二年正月至六月總辦章樾共征收鹽釐銀三十一萬

三千一百八十九兩零加價銀四十二萬五千九十三兩零三十二年七月至三十三年六月督辦史念祖共征收

鹽釐銀二十萬二千二百六十六兩零加價銀二十七萬九千三百八十六兩零三十三年七月至三十四年六月

督辦陸宗輿共征收鹽釐銀四十一萬六百三十二兩零加價銀五十二萬一千一百八十二兩零除章樾史念祖

二任收數不計外陸宗輿在差一年經征鹽釐加價銀九十三萬一千八百十四兩零收數固屬增加若以三十一

年全年所收鹽釐加價銀八十萬三千七百八十六兩零較之不過多征十二萬八千零該員業經奉 旨交軍

機處存記其候選郎中陳闇等十七員未便再給獎叙以示限制等因自應遵照辦理惟查東省鹽務引地不分銷

額無定收數衰旺並無實在把握故每年僅能以所銷之石數多寡定辦事人員之功過查光緒三十一三十二等

年冬春之季時值日俄戰爭之後吉江兩省及邊地一帶缺鹽殊甚故銷數暢旺異常實未可爲比較標準三十二

年六月以後史念祖接辦一年收數大減雖由理事同草創而東省鹽斤銷額固已可見大凡陸宗輿等任差一

年悉心整頓剔除中飽杜絕外私比較史念祖經征釐款竟能溢收至四十五萬餘兩之多委係異常得力陸宗輿

業經蒙 恩給獎該員陳闇等同一在事出力不克仰邀獎叙未免向隅臣等到東以來查得辦理鹽務各員實

心任事不但產鹽銷鹽日見增旺而灘務運務亦漸有規模實已成效昭著茲特督飭鹽務總局再就清單切實核

減擇尤開列合無仰懇 天恩俯准照擬給獎以示鼓舞除咨部外理合繕具清單恭摺具陳伏乞

皇上聖鑒訓示謹 奏宣統元年五月十三日奉 硃批著照所請給獎該部知道單併發欽此

謹將請獎奉省經征鹽務出力人員繕單恭呈 御覽 計開 異常項下 分省補用直隸州知州姚煜請免

補本班以知府分省補用 儘先選用同知劉鶴慶請免選本班以知府儘先選用 選用直隸州知州程玉柱請

免選本班以知府儘先選用 直隸試用縣丞唐汝霖請免補本班以知縣仍留原省補用 尋常項下 候選郎

中陳闇請 賞加四品銜 留奉補用知府寶鼎請侯補知府後以道員用 直隸試用直隸州知州王維墉請

俟補直隸州知州後以知府補用 候選知縣王綺請俟得缺後以同知直隸州知州補用 留奉補用縣丞黃堃

請俟補缺後以知縣補用 候選府經歷楊巨芳請俟得缺後以知縣補用 江蘇試用巡檢華世杞請俟補缺後以主簿補用 附貢生徐秀鈞請以府經歷不論雙單月選用 縣丞職銜李長齡廩生倪葆恆貢生徐棠均請以縣丞不論雙單月選用宣統元年五月十三日奉 硃批覽欽此

湖廣總督陳夔龍奏臚舉已革法部叅議余肇康在鄂政績籲懇 恩施摺

奏爲被議京卿在鄂政績卓著據實臚陳懇 恩量予錄用恭摺仰祈 聖鑒事竊自上年十一月恭值我

皇上登極禮成覃敷 闡澤彰幽起廢鼓舞羣倫臣遵卽詳加採訪凡從前因事降革人員如其才品猷爲實

係衆情推服者謹當隨時陳奏以濟時用而廣 皇仁茲據湖北在籍內閣學士銜前貴州糧儲道黃元善前翰

林院侍講李哲明內閣中書楊守敬等五十三人呈稱開復原銜已革法部左叅議現充粵漢鐵路湘路總理余肇

康係湖南長沙府長沙縣人由進士工部主事改官湖北知府歷任武昌漢陽荊州等府知府署安襄鄖荆道升荆

宜施道前後宦鄂十有餘年任事精勤規模宏遠光緒二十二年漢鎮集稼嘴一帶南北河岸迭遭坍塌民屋隨地

下墊市廛幾至中斷水勢最形危險該員初抵漢陽府任趕卽籌撥的款星夕督飭員紳通力合作得以尅期修復

化險爲夷復就漢陽原有晴川鳳山兩書院改爲中學前後兩堂創始經營不遺餘力時當學務萌芽伊始尤爲人

所難能及調任武昌益復振刷精神案無留牘訊結京控省控各案不下百餘起其才思精力最爲絕人經升任督

臣張之洞升任撫臣端方會同奏保奉 旨仍交軍機處記名光緒三十年六月施南恩施縣沙子池地方福

音教民向燮堂等戕斃主教德希聖施鐸德希賢董德等案情重大該員時已升任荆宜施道由升任督臣張之洞

密授機宜立將首要各犯捕獲訊供正法辦理最稱嚴速始與法叅贊賈沙納從容議約五條和平了結自始事以

訖完案不過兼旬該員堅定廉明厥功甚偉是年潛江縣永豐垸漫決一口寬至二百餘丈口門內外水深二丈八

九尺不等被淹之處尙有中務菱芭等三十餘垸而監利縣下鄉車市桃椿巷對面先於光緒二十九年冬間突出

浮洲逼水北趨致將江岸塌塌三十餘丈工程均屬異常險鉅該員據報飛飭所屬府縣慎選員司分別定議搶修

務令如期蒞事卒使民居照常安堵至今屹若堅城保全數百萬生靈羣推該員相機督率之力又值宜施兩府屬

久旱不雨山鄉各境災區最廣災情最重該員奉辦賑糶分頭運米三十餘萬石一月而畢災黎得此接濟全活甚

衆其勤能率屬大都類此荆州荆南書院現由該員請改爲荆南中學堂擴充營造經費宏多均係酌提鈔關溢征銀兩藉資挹注並未絲毫派捐商民以本官撙節之餘爲地方教育之用士林稱頌經久不衰至若整頓漢陽新關武昌船關以及荆州常關長收之數甚鉅涓滴歸公爲他人之所難猶該員之餘事綜其前後政績無不俯協輿論仰體時艱凡所設施士民利賴恭逢 皇上登極恩詔並由吏部咨查廢員職名開單請 旨聽候擢用謹合

詞呈懇代奏前來臣查該員余肇康起家郎署洊陟外台宦鄂十餘年政碑礫於萬口嗣在江西按察使任內因案降調旋擢法部左叅議到官一日以言官牽涉褫職又奉 特旨開復原銜派充粵漢鐵路湘路總理是其資

勞才具已早邀 先帝特達之知現值 聖主當陽旁求俊乂前署禮部左侍郎已革詹事府少詹事王錫

蕃經福建官紳呈由都察院據情代奏蒙 恩准其開復原官以王錫蕃獲譴較重之員猶荷 優加祓濯仰

見 朝廷彰輝一秉大公薄海臣民同深欽服今查余肇康牽連被議旋經開復原銜而述其所至有聲操履不

苟若令長材終棄甚爲可惜臣忝膺重寄實有以人事 君之責既據該紳等公請未敢壅於 上聞合無仰

懇 天恩准將開復原銜已革法部左叅議余肇康開復錄用之處出自 聖裁所有臚舉被議京卿在鄂政

績據情籲懇 恩施緣由謹繕摺具奏伏乞 皇上聖鑒訓示謹 奏宣統元年五月十四日奉 硃批著吏部歸入查辦案內開單候旨欽此

公牘錄要

提學司傅札飭元城縣整頓學務文

爲札飭事案照此次本司考查該縣學務該高等小學教員田遇霖講授尙能合法惟講堂不透空氣宿舍多不整潔學生告假曠課者至近四分之一就管理而言腐敗已爲至極仰將告假曠課生徒除查明內有三人實係因病因喪並非無故曠廢外其餘十三人自甘廢棄均卽斥退該董事韓乃來到堂未久諸事未能明悉應飭加意講求仍責成該堂長到堂後切實整頓改良力除積弊該縣署模範小學尙見整齊差合初小學堂之辦法如該學生已合高小程度可入官立高等小學堂授課該堂專課初小學生可也此外以模範名者尙有數處均須照此整理勿使名實大不相符其金灘鎮王家莊南李莊各小學員生來城請加考核頗見整齊應傳諭嘉勉宋二莊小學學生

各有日記具見該教員勤於訓育應一併傳諭嘉勉該勸學總董姬治於高小腐敗情形漫不過問殊屬不合惟各區初小尚有六十九處本年又勸設二三十處勸學員等均係義務果能切實董率辦理尙非袖手曠職者比仰該縣振勵精神督同整頓務求實際勿托空言是所至要合行札飭札到務即遵照辦理切切此札

又考核廣平縣學務札飭該縣分別整頓文

爲札飭事案照此次本司考查該縣學務該高等小學教員李景沅教授合法留心管理應傳諭嘉勉該堂董事由勸學總董馬玉書兼任人尙長厚惟才欠開展能否克勝兩項要職或另派堂長以免竭蹶仰該縣察看情形稟明候核齊舍太不透光通氣並無廁所應遵照指示各節酌量辦理並益令注意整潔以重衛生該堂學生早均自費並繳操衣帽費出之瘠苦之區亦見顧全公益模範小學狹陋穢污且半無教科書名實太不相副應由該縣督紳急加整飭該教員王恩鴻講解尙清應令切按學生程度訓授勿過深奧西關外火神廟初小學堂亦令照本司派員查視時所指各端辦理此外各鄉初小五十處現值麥秋放假未能抽查應由該總董勸學員切實查察整理務令教員勤勉勿懈講堂透氣通光學生能逐漸備用教科書爲度成效斯彰推廣自捷該令任事甚勤當能督率力行日有進步也至高小學堂人數無多堂舍頗少將來添招新班尙須擴充屋宇應如何處置並須預爲規畫逐漸經營合行札飭札到仰即分別遵照辦理切切此札

天津縣董事會稟 督憲審判廳承審委廉妨害自治進行請查核辦理文 (來稿)

敬稟者竊於本年四月二十四日接准天津縣議事會移開爲移請事四月二十二日接到民人李恩榮說帖內開爲劣董圈佔官荒朦蔽廳憲濫責無辜懇恩秉公核議事竊因邢懋德圈佔官荒與身住房轆轤經身到會報告一案正值董事會查辦未結不知邢懋德如何運動竟被審判廳傳訊並蒙調驗兩造契據昨於二十一日過堂身之契據隨有根身印契四至相孚而邢懋德之契據並無根身老契竟用河北殷經紀戳記種種捏造兩造孰真孰偽情迹顯然身據理分辯而廳憲被伊朦混不審是非但飭身無故多事斥加嚴責身謂刻值董事會清釐地方公產之頃首查荒地身以祖遺之血產未便與官荒相混舉告官荒爲保全祖產起見實非多事廳憲云爾無論如何有理今非重責不可邢懋德即實佔官荒我將行文到會不得干涉掌責一百勒令身具結完案身印契皆有根據反

受重責偷畏威違具何以甘心惟求議事會竭力保持等語查此案李恩榮與邢懋德房地轉轄事早成訟斷結本會照章未曾干涉至邢懋德之地是否官荒當交貴會調查以符清釐地方公產定章經貴會調查邢懋德圍佔官荒屬實送請縣尊傳究嗣本會接到地方審判廳移文調取李恩榮契據當將原存契紙三張備文移送各在案茲據李恩榮陳述前因查本縣住民有所陳述得在議事會呈遞說帖議事會收受說帖議決後得交董事會執行均係載在章程條例歷久遵辦在案董事會因議事會之議決調查邢懋德圍佔官荒屬實送請傳究是董事會立於原告地位邢懋德立於被告地位其原遞說帖之李恩榮並非此案之原被而地方審判廳謂為多事加以重責將使地方住民不敢呈遞說帖議董兩會不得採取輿論致令隱匿之公產無從清釐恐地方自治章程條例及進行方法從此破壞矣此案邢懋德圍佔官荒如何判結關係尙小而審判廳承審委廉刑責呈遞說帖之人其妨害自治關係尤大應請貴會遵照章程第六十五條第七項代表自治團體為訴訟之事稟明 督憲請將地方審判廳承審委廉妨害自治之處查核辦理實為公便為此備文移請貴會查照施行等因准此查此案雖由李恩榮報告而邢懋德圍佔官荒確實證據則由董事會調查所得董事會負責清釐公產責任是以移請天津縣追究邢懋德以維地方公產嗣經天津縣將此案移送地方審判廳訊辦無論據邢懋德供訴如何應行覆知董事會在李恩榮不過報告人之關係並非立於原告地位乃地方審判廳不將堂訊情形見覆董事會遽行責打李恩榮議事會謂將使地方住民不敢呈遞說帖議董兩會不得採取輿論致令隱匿之公產無從清釐恐地方自治章程條例及進行方法從此破壞等語誠有如所云者事關自治前途諱即照議事會議決據情陳請 憲台鑒察其承審委廉妨害自治進行之處應如何查核辦理伏候 鈞裁所有地方審判廳委廉承審邢懋德圍佔官荒一案妨害自治進行緣由理合具稟上陳恭懇 查核施行虔請 崇安伏維 崇鑒

文告錄要

吏部牌示○為牌示事所有保舉分部遇缺儘先補用員外郎孟壽康一員經本部於宣統元年五月初七日簽掣度支部相應示知該員再行赴部當差可也

督憲批示錄要○安平縣詳境內種植棉花並布疋數目由 批據詳已悉候行工藝局彙核詳咨此繳

天津南段巡警總局白話告示○爲出自話示勸諭事 照得女子既已出嫁 男人的父母 即稱爲翁父婆母

不論大家小戶 都要孝敬的 近來城鄉各處 常有婆母虐待兒媳 媳婦觸犯婆母 以大凌小的

已不免爲野蠻 以卑犯尊的 人人惡其悖逆 前日有二同一區 稟送紀有貴的女人紀崔氏 違犯其

婆母陳氏 實在不孝得狠啦 本總局已經委員審明 紀崔氏每逢其夫回歸 假意孝順婆母 等他出

外工作 諸事不服管教 早晚尋鬧 撒潑辱罵 乃其常事 甚有動手就打的 這種婦人 真是禽獸

不如 本應送交地方官 照律治以大辟之罪 因查紀有貴尙稱孝順 其母念及崔氏生有孫子 求爲

輕定罪名 故予從寬發縣監禁兩年 以儆惡逆 限滿如能悔過自新 必須紀陳氏來案呈明 纔能保

回安度呢 諒必鄉間婦女 大半沒有受過教育的 自示以後 你們必要父母訓其女兒 兄弟勸其姊

妹 丈夫誠其女人 務宜痛改前非 都要存點良心 講究孝敬尊長爲是 倘敢再有違犯 一定要重

辦的 勿違切切 特示

附錄天津官事○中堂於昨日上午八點鐘由中州會館行轅命駕赴各租界拜會各國駐津提督及領事官

電報錄要

路透電○英國陸軍大佐克索維拉與上海立加醫生被一印度學生戕斃按克氏係印度兵隊之休職官員一千

八百七十九年及八十年間之阿勃海戰爭中克氏曾在沙雷曼部下出力於俾路芝士坦又隨佛爾中將救康

達哈以是二戰得賞寶星又連任尼不爾英國統監中印度總督代理拉越勃塔拿地總代理自一千九百零一

年任印度國務大臣政治副官又電云戕害克氏者係印度之定格里人名革敦拉爾現已被警察局捕獲

東京電○美國陸軍省遵照大總統戴夫德氏之意將陸軍費減爲爲二千二百萬美元

又電○印度孟買商業銀行願出五千萬鎊以作改良孟買港之用

又電○英領南非洲拿達爾以八千票之多數採用聯合之策

新政紀聞

政 治 順風將設審判廳○順天府凌大京兆因各州縣設立審判廳一事爲萬不可緩之舉現已議定辦法即以順天法

政畢業人員選充不久當見實行矣

公署幕職辦事章程○東督錫清帥前飭秘書員及各科叅事酌擬辦事章程規則現聞已將公署幕職辦事章程擬就其目四甲職掌乙權限丙責任丁統屬又幕職開辦暫行簡章其目三甲文卷乙收發丙庶務此外尚有核辦文件章程亦由秘書員及各科擬定呈由督撫憲批准見諸實行云

分委審判研究所人員○江南審判研究所現已賃張府園民房一所爲校址轉瞬即將開辦該所監督及提調二席督院已遴委首府楊守鍾義並首縣趙令興翼高令增秩擔任茲又札委方丙垣爲監學黃福頤爲書記員許之琛爲會計員程炳奎爲庶務員該員等奉飭後已詣院叩謝飭知矣

學務

通飭學司給憑權限○學部因近來各省中小學堂畢業時仍有由該府州縣等自行考試給憑以致程度每有不合格者殊非教育人材之本意現已備文通行各省督撫及提學使司以後無論何項學堂畢業均須由提學使考驗如在外屬各學堂即由學司派委及學務人員會考方可照准否則必須複考以重學務而昭劃一

蘇學鄭重畢業文憑○蘇提學司通飭各屬勸學所文云照得學生考試給憑事關重要按學部奏明改定考試章程內稱現在學政業經裁撤自應酌量變通而各府州縣所設學堂逐漸增多若專由地方官考試亦恐不能人人諳習學務擬各按學堂程度由各省提學司或地方官會同各項學務人員公同考試俾得互相稽核等因是以本司於各學堂考試畢業或親自蒞堂或派員監察必以試卷爲憑又密派委員認真校核始分別准駁乃各學堂往往於考試畢業後先行給發文憑然後具詳及檢閱試卷不符始行追繳文憑更定等級殊多周折嗣後畢業考試應俟試卷送司核定飭知後方准給憑自本屆暑假前考試畢業爲始一律遵辦除牌示並通行外合就札飭札到該所即便傳諭各學堂一體遵照

財政

淮綱新票之招足○兩淮運司詳請奏咨補助江南財政案內奉加湘鄂新引一百票刻已招商認足一案茲奉督院批云此次加湘岸新票三萬五千引鄂岸一萬五千引既經該司督飭招商一律認齊造具清冊各結備案應繳捐款亦均核收候據詳奏咨立案所新加之票並准附入正額一體循環輪運仍查照成案蠲免之綱派捐

以示體恤至票本捐款事在前次加票之後自應毋庸援免仰即遵照

鄂省推廣公儲錢局○鄂督陳夔龍帥以省垣公儲錢局自開辦以來四民之儲蓄款項者絡繹現擬在漢口宜昌沙市老河口各埠設立分局以資推廣惟是該局成本僅四十萬金添開分局須增資本現在公家財政困難無款可以動撥爰擬招致商民附股合辦已札飭勸業道鄒道履和會同該局總辦高道松如妥擬辦法詳核

實業

曉諭比賽物產利益○蘇州物產會監督何太守以該會定於七月朔開辦為期不遠誠恐各商觀望特撰六言簡明告示大致謂貨物改良比賽於實業上最為有益云

咨明商品協會之辦法○南洋勸業會應由湖南設立協會搜求商品運往陳列以資贊助會由湘撫岑堯帥查照江督端午帥來咨飭辦在案近日復由午帥照會湘省明德學堂監督胡紳元倭充湖南協會理事胡紳已於日前由甯返湘調查商品組織協會一應事宜並將各項章程呈請勸業道唐觀察擬議詳准接續開辦刻由午帥將現今一切辦法咨明堯帥查照矣

路礦

皖岸稟覆路捐辦法○皖省大通督銷局袁觀察前奉江督端午帥札開皖路公司因路款短絀請於皖岸淮鹽每斤加抽四文以維路政等情飭即體察情形詳覆核奪觀察以皖岸淮鹽運本甚鉅捐項繁重現在零售每斤已需錢九十六文甯省食岸之鹽價僅皖岸十分之六若再加抽四文誠恐食岸販私之輩必多轉礙皖岸銷路擬請將光緒二十九年分皖鹽每斤加價二文內提取一文以充路款不另加抽於路政不無小補而於商情民生亦無所損已具文詳覆督院核辦矣

洛潼鐵路公舉辦事員○汴省紳士以洛潼鐵路將次動工辦事人員自應早為舉定日前開股東會公議分門辦事之要則並推舉各員如下 董事三員 李敏修中翰汲縣人鄭斧門觀察祥符人張性初孝廉中牟人 查賬一員 夏哲生羅山人 指舉董事六員 劉戟雲太康人穆杏樵歸德人彭右文鄧州人韓春岩新野人裴香林祥符人 衛紹彭新鄉人 指舉查賬一人 郭聘三西華人

第七條 月報冊內收支各款如其中名目有詞意簡晦或名義差同而兩款分列局外不易解釋區別者應酌加詮釋以期明晰

第八條 領解各款均須叙明領解處所及起解領入日期

第九條 出入各款無論內結外結經收支用均應聲叙造銷處所如內結之款應註明向由某處彙造總冊詳院咨報某部核銷或自行造冊詳院咨報某部核銷外結之款應註明向由某處彙總報院核銷或自行報院核銷或向不造銷以清眉目其有實用數目與歷辦銷案不符者或例不准銷設法融補者或借名報銷另作別用者並應詳述原委於冊內隨款聲明或附具說明書同送

第十條 各種款項截清年款因時期之不同各款之糾葛頗不容易現辦月報概以本月實收實支之數為主毋庸拘泥年款惟所收所支係某年之款(如補收前屆預收下屆補發前屆預發下屆之類)仍須逐一聲叙明晰

第十一條 有額年款其出入之時期或為每年一次或為每年二次及四次應統歸實收實支之月列數造報其餘各月不妨於四柱各填無字毋庸照額按月勻計轉滋紛雜

第十二條 各衙門局所月報應造列全月收支之款遇有交替更換必須分任截算者可於同月內分造兩冊其前任未造之月報後任亦應接續代造不得推諉

第十三條 各項減平減成扣建截曠等款或另款存儲或專款批解其性質與經收之款(見第五條)無異應另作一冊詳列細數其有扣存以後歸入正款動用者即在正款冊內聲叙數目毋庸另行造冊

第十四條 各種劃撥扣抵之款最易紊亂應將劃款撥款扣款抵款之名目及劃撥扣抵之衙署局所逐款詳細開明切毋簡略

第十五條 各種款項有由內結提歸外結者有由外結歸還內結者必須界限分明造報詳確如司庫地耗提放養廉其地耗冊內必須將本月提放養廉之數全數開列養廉冊內亦必全數列收然後將本月實發及應扣之款逐細列除所扣之款再行分別性質各列各冊應歸還地耗者即於地耗冊內列收應另款存儲者即於另款冊內列收切勿於提放冊內先將應扣之款暗中扣除以致數目參差無從查核其他類似之款甚多均仿此辦

理

第十六條 四柱冊式以上年餘存或不敷爲舊管以本月新收之數爲新收以本月解支之數爲開除以本月餘存或不敷爲實在如某一柱無數可列則填無字此定法也然各項款目性質殊異編造月報難以強同區其大綱約分五類而五者之中又各有其特異之處茲爲舉其大要並編造之法詳列如左

甲類 經收之款


第一節 經收之款如有銷案可據者無論是否專款奏銷或併案奏銷或報院核銷其彙總造銷之處應概以每一銷案爲一冊冊內新收項下應備列某處收解之數其經收之處應以內結各款爲一冊（向分內結正款內結雜款者則內結各款爲二冊）外結各款爲一冊冊內仍按銷案分作細項以每一銷案爲一項每項各立一四柱

第二節 經收之款如向不報院核銷者其彙總處應以一款爲一冊冊內以一衙門一局一所之款爲一項經收之處應將各款彙爲一冊冊內以一款爲一項每項仍各立一四柱

第三節 經收有額之款舊管項下應先聲叙定額及節年未完之數實在項下亦應聲叙未收之數如有關災歉者並應聲叙蠲豁緩征之數若係生息亦應聲明成本及息率之數

第四節 攤捐各款應以本任爲斷其前任欠款無庸開列惟光緒三十四年正月以後如有交替者應以三十四年之款爲斷仍將前任欠解三十四年之數備細列入

第五節 經收款內如有自行支用之項如地糧內之留支等款或按征收之數酌提幾成作爲本處經費及別項之用如契稅溢征之充賞籌款局煙酒稅之提成等款或全歸本處動用如各項新政所收之商捐民捐等款凡此之類經收冊內統應造報全數再於開除項下開除提支之數惟提支之款仍應分別性質歸入另冊列收造報細數



湖 北 宜 昌 第 六 圖

在北京有因醫經失用而為韋廉士大醫生紅色補丸所治愈者

傷風一症輕忽不治關係實非淺鮮高君建侯年三十有九歲為北京民政部緝捕局之書記員也嘗因其所患之疾病以證明輕忽傷風之危險蓋高君之疾初因傷風而起繼致感及腎經當未獲韋廉士大醫生紅色補丸治愈以前曾受諸般之痛苦也本局代表人嘗詣福星店謁見高君得聆其自述一詞如左云○一年前余旅居漢皋一日天氣驟變酷熱異常旋忽寒冷而又陰雨致受風寒初起咳嗽甚劇自維小恙不以為意後則久咳不止而又帶痛始知身受疾病急思救治並知當日輕忽自誤以致受疾如是之深蓋余除咳嗽外又覺腎經失用小便艱澀痛楚難堪更兼背脊疼痛如受鞭撻骨節散離遍身痠疼動則更甚步履之間殊亦痛苦如欲勉盡已職是非施盡精

補腎滋陰



北京高建侯君詳述其患胸背疼痛之症如何為韋廉士大醫生紅色補丸所治愈
力不可因余在蘆漢鐵路之支應所公事煩劇欲得清理必須費如許之精力也以上所述病狀外而又加以胸痛發炎實因終日咳嗽甚厲不已之故使余身體殊甚羸弱如此情形屈指六月之久服食中藥絕無效驗後承漢友勸服韋廉士大醫生紅色補丸余即依言試服一二瓶後便覺大有進益故接連服之直至全愈此三年前事也從此疾不復發背甚有力胸痛全消矣夫人之血果有十分康健之形決無傷風受寒之患高君建侯所患之疾乃因其血淡薄衰弱以致傷風受寒諸疾叢生觀其所述各症諒閱報諸君定當洞悉其所作之證據係服韋

廉士大醫生紅色補丸之功用致其血潔淨有力而使其病體復原也蓋韋廉士大醫生紅色補丸能生康健有力之新血以驅除身體中一切之疾病其聲名已洋溢於全球為醫治
不舉 血薄氣虧 肝胃不調 頭痛自眩 山林瘴氣 風溼骨痛 腎骹痠痛 左癱右瘓 腳氣衝心 胸膈疼痛 癆病初起 瘡疥疔疹 等症以及少壯婦女月經不調婦科諸症之聖藥也小兒羸弱有病瘳萎不長
一服是丸立能身體復原面色鮮紅矣

韋廉士大醫生紅色補丸中國各處商店凡經售西藥之處均有代售或直向上海九江路B字第八號 韋廉士醫生藥局總發行處購買亦可價銀每六瓶大洋八元每一瓶大洋一元五角 遠近郵費一律不取

北洋灤州官礦有限公司開正式股東會訂期廣告

啓者本公司開辦已逾一稔造端宏大事緒綦繁茲定於五月二十四日下午二鐘在天津東門外玉皇閣本公司開正式股東會提議各項事件應請股東先期於三日各帶股票赴本公司驗明以便填給會券屆期即可持券入會如不先領會券臨時未便接待再各股東領會券時務祈將姓氏籍貫住址開示以便隨時通函佈告謹啟

天津銀號廣告

本銀號代辦直隸公債所有本年宣統元年二月初一日四月初一日第四年第一第二兩期應付本利銀兩即係原訂光緒三十五年期限業經照數分付廣告白各在案茲值本月杪爲第四年第三期滿給還本利之期凡天津暨各府廳州縣各票主請查照章程第七條持票至原借各府廳州縣及各籌款分局核取本利銀兩且期滿之票並可任便抵納地丁錢糧鹽課關稅及各項稅捐已詳請 督憲照 奏准章程通飭各屬不准留難需索務即持票兌取現銀毋得自悞再如有以前到期未經支取各票本利銀兩亦可至原借各處驗票續發特此佈告

啟新洋灰有限公司磚股截止廣告

啟者本公司磚窰收股於五月十五日爲兩箇月期滿已經截限現計兌到股款已多逾額尙須設法勻退特此廣告遠近附股諸君勿再溢交免勞往返滙兌謹啟

嚴又 訂正羣學肆言
 此書官所以治羣學之準備書凡十六篇前經嚴又駿先生譯出行世備受海內歡迎
 茲經重加訂正以版權歸本館淨裝精緻大冊一年閱覽每冊定價一元

小學女子國文教科書
 本館前編初等小學女子國文教科書八冊一年閱覽每冊定價一元
 值可不特言此書即前書而作所採材料仍以女子必需之道德智識為主而於家
 政女工衛生官之尤詳全書四冊先出第一冊定價大洋二角

學部改訂近世化學教科書
 此書化學中實驗理論之關係漸變為推理解說其詳每冊定價洋八角五分
 日本大幸明吉著李季譯上篇述無機化學科三篇述有機化學學部詳云近
 世化學日新月異登記之學科漸變為推理解說其詳每冊定價洋八角五分

新理初等代數學
 王家漢譯壽孝天校○是書久已膾炙人口於譯述之時 說力求顯明題問時有酌
 易蓋深得原書之精意而不拘守原書之面目最適於我國之用每部一元二角
 日本飯島正之助著周濬譯○上篇述銳角之圖兩數下篇述普通三角之圖兩數
 理節式之證明不厭其詳而行文簡括使讀者循途深造思其為沈問之科學該教科
 書本也每冊定價二角半

初等三角法教科書
 此書高通行算術科各冊詳於算術科其書就家計以發凡詳論簿記之法書分九章
 莫不周通凡舊例以各國新法於改良之仍以通俗應用為主既可作學室科
 會即使居家者經商者職司會計者亦其有益每冊八角

家計簿記教科書
 此書寓文法於讀本使學者易於領悟而於文法八部之總則及其云讀之時間尤為
 注意每句詳解清晰未附釋義及解字兩門凡用詞體字處可檢釋義其字可檢解
 字使閱者一目了然每冊定價八角

商務印務局新法英文教程
 內編編文君現任山東高等小學堂日語教授歷年既久閱歷尤深茲以其經驗材
 料編成此書體例清新程度適合誠為學日語者之寶筏也每部四冊每冊一元四角
 本館前出高等小學鉛筆習畫帖已承學部各書四冊每冊各定價四角八分

鉛筆習畫帖
 英國哈葛得原著○此書大致似雲中人出於老獵戶戈德門自述歸本於亨利之
 友愛乃以尋官其弟之故至於犯療癩絕沙瀆瀆瀆而死成所不惜畫之足以愧天下
 之愛乃以尋官其弟之故至於犯療癩絕沙瀆瀆瀆而死成所不惜畫之足以愧天下
 是書叙一人誤殺其友出亡良文種種苦惱後流落荒島自力機械收行爲善事得
 善終其間叙航海覓藏金及孤島中生活以及男女愛情筆筆意纏綿悽惻觸動人每
 冊定價五角

鍾乳圖體
 許其兄報警此食王又誘誘一公爵思慮其夫人設種種奸謀不得遂公爵夫人卒嫁
 與陀陀爾人情節離奇筆古雅每冊定價四角

天囚懺悔錄
 日本學博士橫井時政原著○此書以收良地方自治之理想假託 人久客歸鄉
 所見所聞與從前大異所說事實均依據事實可見實行今吾國地方注意地方自治此
 書頗實模範不當僅作小說觀也每冊定價三角

匈奴奇士錄
 許其兄報警此食王又誘誘一公爵思慮其夫人設種種奸謀不得遂公爵夫人卒嫁
 與陀陀爾人情節離奇筆古雅每冊定價四角

模範町村
 日本學博士橫井時政原著○此書以收良地方自治之理想假託 人久客歸鄉
 所見所聞與從前大異所說事實均依據事實可見實行今吾國地方注意地方自治此
 書頗實模範不當僅作小說觀也每冊定價三角

新譯小政治模範町村
 日本學博士橫井時政原著○此書以收良地方自治之理想假託 人久客歸鄉
 所見所聞與從前大異所說事實均依據事實可見實行今吾國地方注意地方自治此
 書頗實模範不當僅作小說觀也每冊定價三角

新譯小政治模範町村
 日本學博士橫井時政原著○此書以收良地方自治之理想假託 人久客歸鄉
 所見所聞與從前大異所說事實均依據事實可見實行今吾國地方注意地方自治此
 書頗實模範不當僅作小說觀也每冊定價三角

新譯小政治模範町村
 日本學博士橫井時政原著○此書以收良地方自治之理想假託 人久客歸鄉
 所見所聞與從前大異所說事實均依據事實可見實行今吾國地方注意地方自治此
 書頗實模範不當僅作小說觀也每冊定價三角

新 啟
告廣司公限有灰洋



啓者本公司係承受唐山洋灰公司老廠另購外洋最新式機器旋密等創設
新廠自丁未臘月新廠開機以來出貨加增行銷愈廣灰質經本廠西洋化驗
師悉心研究精益求精會寄由德國國家柏林及日本關東都督府各化驗所
驗得勁力堅力及凝結時刻灰之粗細均合要工所用其成色與外洋最高之
貨相等尚有機器製造之缸磚花磚洋灰瓦水溝管矸子土等項無論躉零交
易均可本公司總理處設在天津海大道英租界並在天津奉天大連烟台牛
莊青島上海漢口南京鎮江各埠均設有經售處如蒙賜訂大批價值從廉
交貨不悞期限所有洋灰及各種磚瓦等件重量式樣大概用法另刊有華洋
文廣告 光顧諸君請向本公司索閱面議一切可也

德律風一千三百零九號

瑞林祥元記

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

瑞林祥元記

本號開設北京前門外鮮魚口天津估依街中間路北山東濟南府院西路北內置綢緞紗羅顧繡粧洋貨布疋各色喇哩厚呢京廣什貨俱全貨高價廉劃一不後廳內專售線貨織絨袍料衣包被套口袋線毯毛毯零貨均照行價發兌中外紳商賜顧移玉是幸

瑞林祥元記具

武齊洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
磁銅料器瑤藍 奇巧美術玩器 學界文房用品 旅行攜帶等件 精工護身物料
定織各色氈氍 現又擴充樓房 極其寬闊高大 如蒙官商光顧 價值格外從廉
本行隨便入覽 電話一千三百七十四號 天津法租界 武齊洋行謹啓

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

本局售報價目

本埠售價官報按日一册每月三十册收價銀六角零購者每册洋銀二分
 分
 法政學報十日一册每月三册收價洋六角零購者每册二角
 兩種合購每月收洋一圓二角
 各州縣報價交銀者除額定銷數照舊收銀九錢外額外分購者統照本埠售價例

本報代派處

各省郵政局分局均認定代派本報凡由郵局訂購者不取郵費
 北京琉璃廠橋西路北公慎書局本分局
 天津石橋胡同後齊佐周
 保定省城北大街官書局內本分局
 錦州同益分報館
 南京東牌樓慶昌
 濟南官書局
 天津鄉祠南李茂林
 奉天省城振泰報局
 開封南書店街本分局
 各州縣驛遞不在此例

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五
 以上均按四號字起碼如寬行數照所佔面積計算
 登錄商標刻工另議
 三號字加半倍 二號字加一倍

便宜祭幛出售

茲有庫緞杭甯摹本亮花大呢呢布東縐洋緞各色祭幛寄存估衣街勾德豐帽店出售貨色新鮮均照市價八折扣算 賜顧諸君請至該處購閱可也